



Inatsisartut

*Aningaasaqarnermut Ataatsimiititaliap
Finansudvalget*

Ulloq/Dato: 15. februar 2010

J.nr.: 01.31.06/10-00459

Aningaasaqarnermut Naalackersuisoq

Aningaasaqarnermut Ataatsimiititaliap suliaq nr. 01.31.06/10-00459 pillugu tallimanngornermi ulloq 12. februar 2010 aalajangeranik Naalackersuisunut ilisimatitsineq.

Qaasuitsup Kommunanut nunap karsianit taarsigassarsiat erniaat naafferartumillu akilersornerat

Naalackersuisut **inassutigaat,**

- Kontomi pingaarnermi 20.10.11-mi, Ilanngaaseereerluni ernianut tunngasumi, aningaasaliissutit 2010-mi -3.056.000 kr.-nik allanngortinneqassasut
- kontomi pingaarnermi 20.10.42-mi, Kommuninut taarsigassarsianut tunngasumi, naafferarlugit akilersugassat AI2010-mi -17.667.000 kr.-iusut 2010-mi ilassutitut aningaasaliissutikkut aningaasalerneqassasut

Aningaasaqarnermut Ataatsimiititaliap oqaaseqaatai

Qaasuitsup Kommuniata 2009-mi 53 mio. kr.-inik taarsigassarsitinneqarnissaanik Naalackersuisut qinnuteqaataat Aningaasaqarnermut Ataatsimiititaliamit december 2009-mi akuerineqarpoq (Suliaq 09-447). Taarsigassarsitsinerneq atugassarititaasut kingunerivaat taarsigassarsiat ukiumut 6 %-imik ernialersugaanerat ukiunilu 2010-2012-imi ukiumut 17.667.000 kr.-inik akilersorneqarnissaat. Taarsigassarsianut ernialiusat akilersugassallu 2010-mi aningaasanut inatsimmut ilanngunneqarsimangillat, tassa kommunimut taarsigassarsiarititassat suli ilanngunneqanngitsut inatsit akuerineqarmat. Taamaattumillu ernialiusat akilersugassallu 2010-mi ilassutitut aningaasaliissutitut inatsimmut qinnuteqaat una aqqutigalugu ilanngunneqarput.

Kommunip ingerlatsinerneq aningaasartuutaasa ikilisarneqarnissaat anguniarlugu Qaasuitsup Kommuniata iliuusaanik pilersaarutaanillu *ingerlaavartumik* ilisimatinneqartarnissaq decemberimi Aningaasaqarnermut Ataatsimiititaliap aalajangiinerani siuliani taaneqartumi Aningaasaqarnermut Ataatsimiititaliap qinnutigaa. Aningaasaqarnermut Naalackersuisup kissaat taanna malippaa; tamannalu kingullermik pivoq 9. februar 2010-mi allakkatigut. Ilisimatitsissutit siulliup tigunissaa Aningaasaqarnermut Ataatsimiititaliap qilanaaraa. Taanna iluatsillugu nunatta karsiata aningaasaataasa tigorianaanaat killiffiat pillugu ilisimatinneqarnissani ataatsimiititaliap inussiarnersumik qinnutigissavaa. Aningaasat minnerpaamik nunatta karsianiittussat pillugit paasissutissanik pingaarutilinnik

Naalakkersuisut tigusaqarsimanersut pillugu paasissutissinneqarnissaq ataatsimiititaliamit qinnutigineqarpoq – Naluneqanngitsutut minnerpaamik 600 mio. kr.-it nunatta karsiani atoriaannaallutik uninngasuutigineqartariaqartut nalinginnaasumik nalilerneqartarsimavoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua